

Malifalensi a Ndandanda ya Utumiki Komanso Moyo Wathu Wachikhristu

AUGUST 3-9

**CHUMA CHOPEZEKA M'MAWU
A MULUNGU | EKISODO 13-14**

Kufufuza Mfundo Zothandiza

it-1 1117

Msewu Waukulu, Msewu

Kuyambira kalekale misewu ikuluikulu komanso misewu ina, kuphatikizapo njira zambiri zofunka kwa amalonda, zinkalumikiza mizinda komanso maufumu ku Palesitina. (Nu 20:17-19; 21:21, 22; 22:5, 21-23; Yos 2:22; Owe 21:19; 1Sa 6:9, 12; 13:17, 18) Njira imene anthu ambiri ankagwiritsa ntchito inkachokera ku Iguputo kupita kumizinda ya Afilisiti ya Gaza ndi Asikeloni ndipo kenako inkalowera kumpoto chakum'mawa kupita ku Megido. Inkapitirira ku Hazori kumpoto kwa Nyanja ya Galileya, mpaka kukafika ku Damasiko. Njirayi, yomwe inkadutsa m'dera la Afilisiti, ndi imene inali yaifupi kuchokera ku Iguputo kupita ku Dziko Lolonjezedwa. Koma mwachikondi Yehova anatsogolera Aisraeli kuti adutse njira ina kuopera kuti angataye mtima ngati Afilisti angawaukire.—Eks 13:17.

it-1 782 ¶2-3

Ulendo Wochoka ku Iguputo

Kodi ndi pati pamene Nyanja Yofiira inagawikanana kuti Aisraeli awoloke?

Atafika pamalo achiwiri omwe anamanga msasa wawo ku Etamu "m'malire a chipululu," Mulungu anauza Mose kuti "abwerere ndi kumanga msasa pafupi ndi Pihahiroti . . . pafupi ndi nyanja." Zimenezi zikanachititsa Farao kuganiza kuti Aisraeli "asokonezeka ndipo akungoyendayenda." (Eks 13:20; 14:1-3) Akatswiri omwe amanena kuti Aisraeli anagwiritsa ntchito njira ya el Haj, amati mawu a Chiheberi omwe anawamasulira kuti "abwerere" amasonyeza kulamula ndipo samangotanthauza

"kusintha kopita" koma amanena za kubwerera kapena kugwiritsa ntchito njira ina. Iwo amanena kuti Aisraeli atafika malo enaake kumpoto kwa nyanja yotchedwa Gulf of Suez, anayamba kubwerera n'kumalowera kum'mawa kwa mapiri a Jebel 'Ataqah, omwe ali m'mbali yandumzulo kwa nyanja ya Gulf of Suez. M'dera limeneli, lomwe mbali ina kunali nyanja, gulu lalikulu ngati la Aisraeli likanavutika kuthawa mofulumira ngati adani awo akanayamba kuathanangitsa kuchokera kumpoto.

Zimenezi zikugwirizana ndi zimene mabuku a Chiyuda a m'nthawi ya atumwi amanena. Koma chofunika kwambiri n'chakuti zikugwirizana-nsa ndi zimene Baibulo limanena pa nkhaniyi. Komatu zimene akatswiri ambiri amanena sizigwirizana ndi zimene Baibulo limafotokoza. (Eks 14:9-16) Zikuoneka kuti Aisraeli sanawolokere Nyanja Yofiira kumapeto kwenikweni kwa Gulf of Suez (womwe ndi mkono wakumadzulo wa Nyanja Yofiira). Koma anawolokera pama-lo enaake apatali moti Farao ndi asilikali ake sakanatha kungozungulira Gulf of Suez n'kupeza Aisraeliwo mosavuta kutsidya lina.—Eks 14: 22, 23.

AUGUST 10-16

**CHUMA CHOPEZEKA M'MAWU
A MULUNGU | EKISODO 15-16**

"Tamandani Yehova Poimba Nyimbo"

w95 10/15 11 ¶11

N'chifukwa Chiyani Tiyenera Kuopa Mulungu Woona Panopa?

¹¹ Yehova atawononga asilikali a Aiguputo, atumiki ake anayamba kumulemekeza kwambiri ndipo dzina lake linadziwika kumadera ambiri. (Yoswa 2:9, 10; 4:23, 24) Dzina lake linakhala lolemekezeza kwambiri kusiyana ndi mayina a milungu yonyenga ya ku Iguputo yomwe inalibe

mphamvu ndipo inalephera kupulumutsa anthu awo. Aiguputo anagwiritsidwa mwala chifukwa chokhulupirira anthu, zida zankhondo komanso milungu yawo. (Salimo 146:3) M'pake kuti Aisraeli anaimba nyimbo zotamanda Mulungu wawo, yemwe ndi wamoyo komanso amapulumutsa anthu ake. Pochita zimenezi anasonyeza kuti ankamuopa.

w95 10/15 11-12 ¶15-16

N'chifukwa Chiyani Tiyenera Kuopa Mulungu Woona Panopa?

¹⁵ Ngati ifenso tikanapulumuka limodzi ndi Mose pa nthawiyo, n'zosachita kufunsa kuti tikanaimba nawo nyimbo iyi: "Ndi mulungu wina uti amene angafanane nanu, inu Yehova? Ndini woyerera kopambana, ndani angafanane ndi inu? Ndini woyerera kuopedwa ndi kukumbirani nyimbo zotamanda. Inu ndinu wochita zodabwitsa." (Ekisodo 15:11) Kuyambira nthawi imeneyo, anthu akhala akunena mawu ngati amenewa. M'buku lomaliza la Baibulo, mtumwi Yohane anafotokoza za gulu la atumiki odzozedwa komanso okhulupirika a Mulungu kuti: "Iwo akuimba nyimbo ya Mose kapolo wa Mulungu, ndi nyimbo ya Mwanawankhosa." Kodi nyimbo yi ndi iti? Ndi yakuti: "Ntchito zanu n'zazikulu ndi zodabwitsa, inu Yehova Mulungu Wamphamvuyonse. Njira zanu ndi zolungama ndi zoonia, inu Mfumu yamuyaya. Kodi ndani sadzakuopani, inu Yehova? Ndani sadzalemekeza dzina lanu? Pakuti inu nokha ndinu wokhulupirika."—Chivumbulutso 15:2-4.

¹⁶ Masiku anonso pali anthu amene akulambira Mulungu omwe anamasulidwa ku ukapolo wauzimu ndipo amayamikira zinthu zimene iye analenga komanso amakonda malamulo ake. Anthu ochokera m'mayiko osiyanasiyana amasulidwa ku ukapolo wauzimu ndi ku zinthu zoipa zam'dzikoli chifukwa chozindikira kuti malamulo a Mulungu ndi olungama ndipo anayamba kuwatsatira. Chaka chilichonse anthu masauzande ambiri amachoka m'dziko loipali n'kulowa m'gulu loyera la atumiki a Yehova. Posache-

dwapa, Mulungu akadzawononga chipembedzo chonyenga komanso zinthu zonse zoipa zam'dzikoli, atumiki a Yehovawa adzakhala ndi moyo wosatha m'dziko latsopano lamtendere.

it-2 454 ¶1

Nyimbo

Ku Israeli, akamaimba nyimbo pagulu, nthawi zambiri ankaimba molandizana mawu. Pena gulu limodzi linkaimba mzere umodzi ndipo gulu lina linkaimba mzere wotsatira. Kapenanso munthu mmodzi ankaimba mzerewo kenako gulu la anthu linkaimba mzere wina pomuyankha. Malemba amatchula kuimba koterekutu kuti 'kuthirira mang'ombe' kapena "kuimba molandizana mawu." (Eks 15:21; 1Sa 18:6, 7) Masalimo ena monga Salimo 136 amasonyeza kuti Aisraeli ankaimba m'njira imeneyi. Zimene Baibulo limafotokoza zokhudza magulu awiri oimbua nyimbo zoyamika m'nthawi ya Nehemiya komanso zimene anachita pa mwambo wotsegulira mpanda wa Yerusalem zimasonryezanso kuti ankaimba m'njira imeneyi.—Ne 12:31, 38, 40-42.

it-2 698

Mneneri Wamkazi

Mkazi woyamba amene Baibulo limanena kuti anali mneneri ndi Miriamu. Zikuoneka kuti Mulungu anamugwiritsa ntchito kuti apereke uthenga kapena mauthenga ndipo mwina anali mneneri Mika kuti anatumiza "Mose, Aroni ndi Miriamu" kuti akathandize Aisraeli kuchoka ku Iguputo. (Mik 6:4) Ngakhale kuti Miriamu anali ndi mwayi wogwiritsidwa ntchito ndi Yehova kuti apereke mauthenga, udindo wake pa nkhaniyi unali wochepa poyerekezera ndi wa mchimwene wake Mose. Pamene iye anafuna udindo woposa umene anali nawo, analangidwa kwambiri ndi Mulungu.—Nu 12:1-15.

AUGUST 17-23

CHUMA CHOPEZEKA M'MAWU A MULUNGU | EKISODO 17-18

Kufufuza Mfundo Zothandiza

it-1 406

Mabuku Ovomerezeka

Tikaona zimene zili m'mabuku amene Mose analamba, pali umboni wosatsutsika wosonyeza kuti mabuku amenewa ndi ouziridwa ndi Mulungu, oyenera kukhala m'Baibulo komanso othandiza polambira Mulungu moyenera. Mose sanadziike yekha kukhala mtsogoleri wa Aisraeli. Paja pamene Mulungu ankamuza kuti awatsogolere iye ankakayikakayika. (Eks 3:10, 11; 4:10-14) Koma Mulungu anathandiza Mose kuchita zimenezi ndipo anamupatsa mphamu zochita zodabwitsa moti ngakhale ansembe a Farao ochita zamatenga anafika povomereza kuti mphamu za Mose zinachokera kwa Mulungu. (Eks 4:1-9; 8:16-19) Choncho sikuti poyamba Mose ankafuna kumalankhula pagulu kafenango kumalemba mabuku. Koma anachita zimenezi pomvera Mulungu komanso chifukwa chopatsidwa mzimu woyer.—Eks 17:14.

AUGUST 24-30

CHUMA CHOPEZEKA M'MAWU A MULUNGU | EKISODO 19-20

"Mmene Malamulo 10 Amakukhudzirani"

w89 11/15 6 ¶1

Kodi Malamulo 10 Amakukhudzani Bwanji?

Malamulo oyambirira 4 amasonyeza zime-ne tiyenera kuchitira Yehova. (**Loyamba**) Iye ndi Mulungu amene amafuna kuti tizimutumikira iye yekha basi. (Mateyu 4:10) (**Lachiwiri**) Anthu omulambira sayenera kugwiritsa ntchito mafano. (1 Yohane 5:21) (**Lachitatu**) Nthawi zonse tiyenera kugwiritsa ntchito dzina la Mulungu moyenera komanso mwaulemu, osati momunyoza. (Yohane 17:26; Aroma 10:13)

(**La Nambala 4**) Tiyenera kuika kutumikira Mulungu pamalo oyamba pa moyo wathu. Zimenezi zimatithandiza kusiya kuchita zinthu zodzisonyeza kuti ndife olungama ndipo tikatero timakhala ngati tapuma kapena kuti 'tasunga sabata.'—Aheberi 4:9, 10.

w89 11/15 6 ¶2-3

Kodi Malamulo 10 Amakukhudzani Bwanji?

(**La Nambala 5**) Ngakhale masiku ano, ana akamamvera makolo awo zimathandiza kwambiri kuti banja likhale logwirizana komanso kuti Yehova azilidalitsa. Ili ndi "lamulo loyamba lokhala ndi lonjezo" ndipo ndi lothandizadi kwambiri. Paja Baibulo limatilimbikitsa kumvera lamuloli 'kuti zinthu zitiyendere bwino' komanso kuti 'tikhale ndi moyo wautali padziko lapanzi.' (Aefeso 6:1-3) Popeza tikukhala 'm'masiku otsiriza' a dziko loipali, kumvera lamulo la Mulungu limeneli kungathandize achinyamata kuti apitirize kukhala ndi moyo mpaka kalekale.—2 Timoteyo 3:1; Yohane 11:26.

Kukonda anzathu kungatithandize kuti tisawachitire zoipa monga (**La Nambala 6**) kupha munthu, (**La Nambala 7**) kuchita chigololo, (**La Nambala 8**) kuba komanso (**La Nambala 9**) kunama. (1Yohane 3:10-12; Aheberi 13:4; Aefeso 4:28; Mateyu 5:37; Miyambo 6:16-19) Koma kodi Malamulo 10 amenewa amakukhudzanso zolingga zathu? Lamulo (**La Nambala 10**) loletsa kusirira limatikumbutsa kuti Yehova amafuna kuti zolingga zathu zizikhalanso zomusangalatsa.—Miyambo 21:2.

Kufufuza Mfundo Zothandiza

it-2 687 ¶1-2

Wansembe

Ansembe a Chikhristu. Yehova analonjeza Aisraeli kuti akasunga pangano limene anapangana nawo adzakhala 'ufumu wake wa ansembe ndi mtundu wake woyer.' (Eks 19:6) Koma unsembe wa m'banja la Aroni unali mthunzi chabe wa unsembe wofunika kwambiri wam'tsogolo ndipo unkangoyenera kukhalapo

mpaka unsembe winawo utayamba. (Ahe 8: 4, 5) Unsembewo unkayenera kuitirira mpaka pamene pangano la Chilamulo linatha komanso pangano latsopano linayamba. (Ahe 7:11-14; 8:6, 7, 13) Poyamba Yehova anaitana Aisraeli kuti adzakhale ansembe mu Ufumu umene analonjeza koma kenako anaitananso anthu amitundu ina.—Mac 10:34, 35; 15:14; Aro 10:21.

Ayuda ochepta ndi amene anatsatira Khristu choncho mtundu wa Israeli unalephera kukhala ndi anthu okwanira kuti apange ufu-mu **weniweni** wa ansembe ndi mtundu woyer. (Aro 11:7, 20) Mulungu anali atachenjeza Aisraeli za zimenezi zaka zambiri m'mbuyomu chifukwa choti sanali okhulupirika. Kudze-ra mwa mneneri Hoseya, anawachenjeza kuti: "Anthu anga adzawonongedwa chifukwa saku-nidziwa. Popeza iwo akana kundidziwa, inenso ndidzawakana kuti azinditumikira ngati wansembe wanga. Popeza iwo aiwala lamulo la ine Mulungu wawo, inenso ndidzaiwala ana awo." (Ho 4:6) Mogwirizana ndi mawuwa, Yesu ana-uzza atsogoleri a Chiyuda kuti: "Ufumu wa Mulungu udzachotsedwa kwa inu n'kupereke-dwa kwa mtundu wobala zipatso zake." (Mt 21:43) Ngakhale zinali choncho, Chilamulo chin-kagwirabe ntchito pamene Yesu Khristu anali padzikoli ndipo iye ankalemeka ansembe a m'banja la Aroni moti ana-uzza anthu odwala khate omwe anawachirtska kuti apite kwa wansembe n'kukapereka nsembe yoyenera.—Mt 8:4; Mko 1:44; Lu 17:14.

AUGUST 31—SEPTEMBER 6

**CHUMA CHOPEZEKA M'MAWU
A MULUNGU | EKISODO 21-22**

**"Muzisonyeza Kuti Mumaona Moyo
Mmene Yehova Amauonera"**

it-1 271

Kumenya

Mheberi amene anali ndi akapolo ankaloedwa kumenya kapolo wake wamwamuna kapena wa-

mkazi ndi ndodo ngati sakumumvera. Koma ngati kapolo yo anafa chifukwa chomenyedwa, mbuyeyo ankafunika kulangidwa. Ngati kapolo yo anakhalabe moyo kwa tsiku limodzi kapena masiku awiri pambuyo pomenyedwa, zimenezi zinkakhala umboni wakuti mbuyeyo sankafuna kumupha. Mbuyeyo anali ndi ufulu wolanga kapolo wake chifukwa kapolo yo anali "chuma chake." Ndipo palibe munthu amene angafune kuchita zinthu zimene zingawononge chuma chake. Komanso ngati kapolo angafe patapita tsiku limodzi kapena masiku angapo, sizingadziwe ngati anafa chifukwa chomenyedwa kapena chifukwa cha zinthu zina. Choncho ngati kapolo anakhalabe ndi moyo kwa tsiku limodzi kapena masiku awiri, mbuye wake sa-nkalangidwa.—Eks 21:20, 21.

Kufufuza Mfundu Zothandiza

it-1 1143

Nyanga

Mawu a pa Ekisodo 21:14 angatanthauze kuti ngakhale wansembe amene wapha munthu ankayenera kuphedwa. Kapena angatanthauzenso kuti kugwira nyanga za guwa lansembe sikunkateteza munthu amene wapha mwadala munthu wina.—Yerekezerani ndi 1Mf 2:28-34.

